



№ 38

14 ქრისტეშობის, 1914 წ.

შიილება ხელის მოწარა

წლიური ფასი

≡ 5 მან. ≡

ყოველ კვირული საზოგადო-ეკონომ.

მიური და სალიტერატურო შურნალი

წელიწადი მისამე

ცალკე ნომერი 10 კაპ.

რედაქცია ღიაა 9—3 საათამდე

მისამართი: თბილის., Габაевский пер. № 3 რედაქცია „კლდე“. დეპეშისა: თბილისი კლდე.



ბერმანელები გარბიან. ნახ. ლოდვიგინისა.

ს ა რ ჩ ე ვ ი :

1. საქართველო და სომხეთი. — ა. — ს.
2. მოუსვლობა. — ჩ. — გეხი.
3. ვედრება (ლექსი). — მთის ნიაცისა.
4. გერმანია და გერმანელები. —
5. ქართველთა შორის ჰორნოტ-რ. ფაის მომსახობი საზოგადოება. — ფარსმან-ფარუხისა დ კ. ძისა.
6. სოფლის გასაჭირი. — ქართლელისა.
7. ჰრესა
8. ქრონიკა.
9. ფაუსტი. — ა. შ. ისა,

## საქართველო და სომხები

ჩვენში არ მოიპოვება არც ერთი პარტია, არც ერთი ბეჭდვითი ორგანო, რომელიც სათანადოთ არ ეპყრობოდეს ოსმალის სომხეთის საკითხს. ჩვენ, ქართველებს, არამც თუ საწინააღმდეგო არა გვაქვს რა სომხეთის თავისუფლებისა, პრინციპიალურად მომხრენიც უნდა ვიყოთ და ეს ასეც არას. და თუ მაინც რაღე გაუგებრობა არსებობს ჩვენსა და სომხებს შორის ამ საკითხის გამო, ეს უნდა მიეწეროს ზოგიერთების გაუგებარ ხელს, როგორც ჩვენის, ისე სომხების მხრიდან. ამას წინად ქართულ პრესაში გამოითქვა აზრი, რომ სომხეთის თავისუფლება, სხვათა შორის, იმისთვისაც არის ქართველებისთვის ხელსაყრელი, რომ შეამცირებს სომხობას საქართველოშიო. გვგონია, რომ ასეთი აზრი სიმართლეს არ უნდა იყოს მოკლებული. მაგრამ არ გავიდა დიდი ხანი და ერთმა სომხურმა გაზეთმა გამოაცხადა: ჩვენ კავკასიიდან ფეხსაც არ დავსძრამთო. მართალიც რომ იყოს ასეთი განცხადება, ვფიქრობთ, რომ ასეთი სიმართლე ჯობრით არის ნათქვამი. უპირველესად ყოვლისა ასეთი განცხადება შესწორებას მოითხოვს. ჩვენ ძალიან ნაკლებ გვიანტერესებს—წავლენ, მართლა სომხები კავკასიიდან თუ არა. იმის გარდა, რომ შეუძლებელია ეჩმიაძინის კავკასიიდან ოსმალის სომხეთში გადატანა, რაც თავისთავად გულისხმობს, რომ სომხები კვლავ იქნებიან კავკასიაში—ჩვენ სამშობლოს მთელი კავკასია არ შეადგენს და ძალიან გულგრილად შეგვიძლიან ავიტანოთ ის ფაქტი, რომ ერევნის გუბერნიაში, მაგალითად, კვლავ იქნებიან სომხები. მაგრამ შეამცირებს თუ არა სომხების შემოსევას საქართველოში განთავისუფლებული სომხეთი, ეს ჩვენთვის დიდი საკითხია და უფლება გვაქვს ამის შესახებ რაღე იმედი გამოვსთქვათ.

თავი დავანებოთ შთაბეჭდილებას, რომელიც შესაძლებელია მრავალნაირი იყოს და ვიკითხოთ მხოლოდ ერთი: რა გავლენას მოახდენს განთავისუფლებული სომხეთი საქართველოზე? ახლა საქართველოში სამასი ათასი სომხები სცხოვრობს, რომლის უმრავლესობა ქალაქებში ბინადრობს. შეიძლება რაღე იმედი ვიქონიოთ, რომ ნაწილი ამ სომხობისა თავის სამშობლოს მიაშურებს? გვგონია, რომ საფუძველი ამ იმედისა არსებობს. ნუ იფიქრებენ სომხები, რომ ჩვენი მსჯელობა მათთვის სავალა

დებულოა, მაგრამ მათ უფლება უნდა მოგვცენ ისეთ დროს, როცა ჩვენ თვალწინ ასეთი დიდი საკითხი სწყდება, სწორედ ასე ვიმსჯელოთ. „კავკასიისკოე სლოვო“-ს განცხადება, რომ თბილისის თვითმმართველობის ხმონები სომხეთში არ წავლენო, პასუხი არ არის ჩვენს შეკითხვაზედ. ბატონი ხატისოვი და ბატონი დოლოხანოვი რომ სომხეთში არ წავლენ, ეს ჩვენ კარგად ვიცით. სამშობლო ქვეყანაში დედაენის უცოდინართა მისვლა იგივეა, რომ უცხო ქვეყანაში უპასპორტოთ მიხვიდე. არ წავლენ იქ არა მარტო სომხები ხმონები, არ წავლენ სომხები ადვოკატებიც. რადგანაც მათი ერთად ერთი ენა რუსულია, რომლითაც თავისუფალ სომხეთში მართ-მსაჯულებას სამსახურს ვერ გაუწევენ. მაგრამ სომხებს ხმონებისა და ადვოკატების გარდა არსებობს ქვეშაბრთი სომხები ხალხი, პატრიოტები შეგნებით, სომხები იდეურად, რომლებიც თავის უწმინდეს მოვალეობად ჩასთვლიან ყოველი კუთხითან იმ ქვეყანას მიაშურონ, იმ თავისუფალ სამშობლოს, რომლისკენაც გზა ასე სისხლიანი და ეკლიანი იყო. თუ არ ეს, მათი და მათ მამა-პაპათა ბრძოლა მოკლებული იქნება უდიდეს სიტკბოებას.

მაგრამ ისინი წავლენ არა მარტო იმიტომ, რომ ეს სიტკბოება იწვნიონ, ამას მოითხოვს თვით რეალური ინტერესები მათი სამშობლოსი. მომავალ თავისუფალ სომხეთში ყველაზე ნაკლები თვით სომხები იქნებიან. ამას ამბობენ ის ციფირები, რომელთა გასაბათილებლად სომხებს ჯერ არ უზრუნვიათ. ევროპის დიპლომატიამ თუ გინდა კიდევაც შექმნას სომხეთი უსომხებით, არა გვგონია ამან პატიოსანი სომხები დააკმაყოფილოს და ისინი ეცდებიან დიპლომატიური ფორმულა რეალურ ცნებად აქციონ და ისეთი სომხეთი შექმნან, რომელიც შეეფერება მათ ეროვნულ იდეას. სახელმწიფო და სამოქალაქო ცხოვრება სომხეთისა, ვაქრობა და მრეწველობა, მეურნეობა, სწავლა-განათლება და მთელი სოციალ-პოლიტიკური ცხოვრება მრავალ ძალებს მოსთხოვს სომხის ხალხს და პირველი რაც უნდა შექმნას სომხეთმა, ეს არის მაღალი კოში და დიდი საყვირი, რომ თავის გაბნეულ მოქალაქეებს მოუწოდოს. საიდან უნდა მოუწოდოს მან ამ მოქალაქეებს? ყველა იმ ქვეყნებიდან, სადაც კი სომხები სცხოვრობენ და საქართველოც ერთი იმ ქვეყანათაგანია, სადაც სომხები სცხოვრობენ და რომელიც ყველაზედ ახლო სდევს სომხეთზედ.


წავლენ თუ არა საქართველოდან სომხები თავის ახალ სამშობლოში? გვეუბნებიან რომ არა, ამ

უარს საპატიო მიზეზებში ახვევენ, მაგრამ ასეთი განცხადება ჩვენ მაინც უცნაურად მიგვაჩნია. უმაღლესი ეთიკა თანამედროვე მოქალაქობრივობისა არის, რომ ადამიანი თავის ქვეყნის ქვეშევრდომი იყოს. და ეს გრძნობა რომ სოხის ხალხში არ იყვეს, მაშინ არც იბრძოლებდა თავისუფლებისთვის. ჩვენ ვერ წარმოგვიდგენია ისეთი სომეხი, რომელიც სიამოვნებით არ იცხოვრებდეს თავის ტერიტორიაზედ. მაგრამ, გვეუბნებიან რომ მას ბევრი ინტერესი აქვს თავის სამშობლოს გარეთაც, იგი მიბმულია სხვა ქვეყნებთან ნივთიერად. კერძოდ საქართველოზედ უნდა ვსთქვათ, რომ ასეთი წარმოდგენა გადამეტებულია. ჩვენ ახლა ხელთ არა გვაქვს ზედმიწევნით ცნობები სომეხთა რაოდენობისა და მათი მფლობელობისა საქართველოში. მაგრამ ჩვენ ვიცით რა ხასიათისაა როგორც ეს რაოდენობა, ისე ეს მფლობელობა. თავი რომ დავანებოთ იმ სომეხებს, რომელნიც ისტორიულად სცხოვრობენ საქართველოში, რაც მათ საერთო რიცხვის უმცირესობას შეადგენს—უმრავლესობა ისეთ ელემენტს წარმოადგენს, რომლის ბინადრობა იმ პროვინციით განისაზღვრება, როგორცაა მისდევს იგი. თბილისში გადმოსახლებულ სომხის ნივთიერი ინტერესი, რომელიც ან მეწაღეობას მისდევს, ან ზეინკლობას, ან ნავთით ხელზედ ვაჭრობას და მეეზოვეობას, ისეთი ღრმა ინტერესი არ არის, რომ არ შეიძლებოდეს, ამის გამო, მათი თბილისიდან დაძვრა. ამისთვის საჭიროა მხოლოდ, რომ სომხის პატრიოტებმა მათთვის მართლაც, მოაწყონ ახალ სომხეთში სამუშაო. რაც შეეხება მდიდარ სომეხებს, რომლებსაც ძვირფასი სახლები აქვთ თბილისის ქუჩებზედ—მათ შესახებ აშკარად შეგვიძლიან განვაცხადოთ, რომ არავითარ წარმოებას ისინი საქართველოში არ მისდევენ. ისინი ან ბაქოს ნავთით იკვებებიან, ან მსხვილი ვაჭრობით. მაგრამ როგორც ბაქო არა სდევს საქართველოს საზღვრებში და არ არსებობს კომერციული წესი, რომ ბაქოს ნავთის მწარმოებელი უსათუოდ თბილისში სცხოვრობდეს, ისევე მსხვილი ვაჭარი მუდამ თავისუფალია ადგილის გამოცვლაში. საჭიროა მხოლოდ რომ ამას მართლაც მისი ვაჭრული ინტერესი

სი მოითხოვდეს. ამ მხრივ კი ჩვენ არა გვეჩნია, რომ ახალი სომხეთი ნაკლებ საეკონომიკურ ინტერესს წარმოადგენდეს პატრიოტ სომეხ ვაჭრისთვის. თუ ასეა საქმე ქალაქებში, ასევეა თითქმის სოფლის მეურნეობაში. საქართველოში ჩვენ არ ვიცნობთ არც ერთ მსხვილ სომხურ მეურნეობას. რაც შეეხება მიწის მფლობელობას, იგი სხვა და სხვანაირია და, რაც უფრო საყურადღებოა, ეროვნულ-სომხური მნიშვნელობა ამ მფლობელობას არა აქვს. სომხური მფლობელობა პარტეკლიალური ტიპისაა საქართველოში და იქ კი, სადაც სომეხები კომპაქტურ მასას წარმოადგენენ, ეს მფლობელობა საკუთრებაზედ არ არის დაფუძნებული, ასე მაგალითად, ახალქალაქის მაზრაში, სადაც მთლიან სომეხები სცხოვრობენ—მიწა სახაზინოა, ნუ თუ, თუ კი ახალქალაქის სომეხებს, რომლებიც სულ მოკლე ხანში დასახლდნენ აქ, ვინმე საკუთრებას გაუჩენს სომხეთში—ისინი არ ირჩევენ იქ წასვლას?

ყველა ამ მოსაზრებას დიდი გამასწორებელი მნიშვნელობა აქვს იმ ნაკლისთვის, რომელიც უსათუოდ ზედ დაერთვის პირველ ხანებში სომხეთის ავტონომიას. ეს ნაკლი კი, როგორც ზევითაც აღვნიშნეთ, მდგომარეობს იმაში, რომ ახლანდელ მოსახლეობის მიხედვით, სომხეთში თვით სომეხები უმცირესობას შეადგენენ. ამას ანგარიშს გაუწევინებ სხვა სახელმწიფონი და ანგარიში უნდა გაუწიონ თვით სომეხებმაც. თუ ეს ნაკლი გამოსწორებული არ იქმნება—ჩვენ სომხეთის თავისუფლება ვერ წარმოკიდდენია. სახელმწიფოს მოწყობა რომ ადვილი იყოს უხალხოთ, ებრაელ მილიონერებისათვის სულ უბრალო საქმეს წარმოადგენს პალესტინის ყიდვა და სიონისტების გეგმაც სწორედ იმიტომ დაიმსხვრა, რომ პალესტინაში წასვლის მსურველი ცოტა აღმოჩნდა ნუ თუ სომეხებიც ამას ჩაიდენენ?

ა—ი.



## მოუსავლობა

გაზეთებს ყოველდღე მოაქვთ საშინელი ამბები საქართველოს ყოველი კუთხიდან, საცა ხალხს შიმშილი მოელის. იმერეთი, ქართლი და კახეთი ერთგვარად არიან დაზარალებულნი როგორც მოუსავლობით, ისე ომისა გამო.

გურიასა და სამეგრელოში წვიმებმა წახდინეს ის მცირე მოსავალიც პურსა და სიმინდისა, რომელიც ჩვეულებრივზე ნაკლები მოვიდა წრეულს. ომში გაწვეულთა ოჯახები, უმუშახელოდ დარჩენილნი, ვერ ასწრობდნენ ქირნახულის დაბინავებას და ყველა ამ მიზეზის გამო ჩვეულებრივი მოსავალი 10—20 პროცენტამდე დაეცა; იქ, სადაც გლეხს 200—300 ფუთი სიმინდი უნდა მოსვლოდა, მთელი ოჯახის გამოსაკვებად 20—30 ფუთი შერჩა ხელში. ზოგიერთ სოფელში, უფრო ღარიბს ოჯახებში ამახედაც ნაკლები შემოვიდა და მთელს ამ მხარეს შიმშილობა მოელის სულ ცოტა ხანში.

ასეთ საერთო კრიზისს ზედ დაერთო ღვინის გაყიდვის აკრძალვაც, რამაც მთელი ქუთაისის გუბერნიის მეურნეობა ერთი ხელის მოსმით გაამტყვერა. იქ, სადაც ასი, ათასი ფუთობით იყიდებოდა ყურძენი თუ ღვინო, წრეულს ბაზარში დანიახავდით რამდენიმე დღის განმავლობაში ტყუილად მდგომ ურმებს, ყურძენით დატვირთულებს, — რადგან მყიდველი არსად იყო და ურემი, ხარები, პატრონი იძულებული იყო მომცდარიყო და გროშის ფასადაც ვერ გაეყიდნა თავისი ნაოფლარი; წვიმაში და გარედ ყოფნის დროს კი მთელი ეს სარჩო — ყურძენი ფუჭდებოდა და ლპებოდა. ასეთ სურათებს მრავლად შევხვედრივართ თვით ქუთაისშიაც. ღვინის აკრძალვამ თითქო სიცოცხლეც აუკრძალა ქუთაურებს, რადგან დიდძალი ხალხი ღვინოსა და ყურძნიდან აღებული ფულით იკვებებოდა, სხვა შემოსავლის უქონლობისა გამო. აუარებელი გაყვანილი მუშა, ყადაღის დადება ერთად ერთ სარჩოზედ და ბუნებრივი მოვლენანი, თითქო პირი შეუკრავთო, მძიმედ დააწვენენ ჩვენს ეკონომიურ ცხოვრებას.

არა ნაკლები უბედურობა ეწვია კახეთსაც. რაღა თქმა უნდა რომ ომმა აქედანაც დიდძალი მუშა ხალხი გაზიდა და ხელი შეუშალა დროზედ და კარგად მოველოთ თავიანთ მოსავალისათვის. ვინ არ იცის, რომ კახეთი განსაკუთრებით ღვინის ქვეყანაა,

ნაა, რომ იქ ოციათას ღვინოსაზე მეტი ვენახია და 3—4 მილიონ ვედროზე მეტი ღვინო მოდის. მთელ ამ მოსავალმა მრავალი ქირი გამოსცადა წრეულობით. ჯერ იყო და სეტყვამ გაანადგურა მრავალი ვენახი. ჩვენ ხელთა გვაქვს ცნობები მარტო თელავის რაიონისა და იქიდანაც ნათლად სჩანს თუ როგორ დააზარალა სეტყვამ კახეთი. მაგ. წინანდალში ზარალი იყო სულ 84 ათასი მან. აქედან საუფლისწულო მამულისა — 30 ათასი მან. კანდოლში — 45,190 მან., კისხხევში — 74,000 მ., ვაჩნაძიანში — 19,500 მან. — სულ 250,000-მდე მანეთისა. და ეს, როგორცა ხედავთ, სულ რამდენიმე სოფელში. მართალია, სხვა რაიონები ასე მძიმედ არ დაზარებულან, მაგრამ სხვაგანაც შესამჩნევად დაზარალდა ხალხი. ამას მოჰყვა ომიც თავისი უცნაური შედეგებით და მთელი კახეთი აუტანელ გაკირვებაში ჩააგდო. მთელი ცხოვრება უნდა შეწყვეტილიყო, რადგან ერთადერთი სახსარი — კახური ღვინო — აკრძალეს გასაყიდათ.

ჩვენ უკვე გვქონდა ლაპარაკი იმაზედ, რომ ღვინის აკრძალვა გამოწვეული იყო უბრალო გაუგებრობით, მაგრამ დღევანდლამდის ეს გაუგებრობა ლოდივით აწვევს გულზედ ღვინის მეურნეს. ან რას მიაღწიეს ამ აკრძალვით? რუსეთში არყის მსმელებს ათასი სხვა საშუალება გამოუგონიათ დასათრობად და ყოველდღე გაზეთებს მოაქვთ ამბავი, რომ იქ სვამენ დენატურატს, პოლიტურას, ოდეკოლონს, თამბაქოს ნაღულს და ათასგვარი სისხაძგლით იწამლავენ თავს. ამავე დროს ყველგან სწარმოებს ჩუხად გაყიდვაც ღვინისა, რადგან ყოველად შეუძლებელია თვალყურის დევნება იმ აუარებელ ხალხისათვის, რომელიც ღვინითა და არყის ვაჭრობით ირჩენდა თავსა. შორს რომ არ წავიდეთ, თბილისშიაც მრავლად შეხვდებით მთვრალებს და აქედანაც უნუგემო დასკვნა უნდა გამოვიყვანოთ, რომ ქურდ-ბაცაცები და ბოროტ-მოქმედნი ახერხებენ თავიანთ ჯიბის გასქელებასაც კი უკეთ, ვიდრე ომამდე და პატიოსანი გლეხი ან ვაჭარი კი პირში ჩაღა გამოვლებული რჩება. ერთი ხელის მოსმით აღამიანთა ზნეობის გარდაქმნას ყოველთვის ასეთი შედეგები მოსდევს.

მაგრამ დაუბრუნდეთ კახეთს. სად უნდა წავიდეს იმოდენა ღვინო და რითი უნდა გამოიკვებოს ისედაც დაცემულმა, უმუშახელოდ დარჩენილმა გლეხმა? ისევ უნდა ჩარჩებს, მოვანშეებს და ათასგვარ ქურდ-ბაცაცას ჩაუვარდეს ხელში რომ დღეს მინც არ მოკვდენ შიმშილით, რაკი ხვალეს იმე-

დით არავინ ძღება. ასეთ უბედურებაში, კრედიტი მაინც უნდა გაეხსნათ ფართოდ გლახებისათვის, რომ თავი შეენახათ, მაგრამ ჯერ-ჯერობით ასეთი საქმე არავის უკისრია და კახეთსაც ისეთივე შიმშილი მოეღოს, როგორც იმერეთს.

დარჩა ქართლი. მაგრამ ქართლი ყოველთვის იყო და არის ყველაზედ გაღატაკებული და დაცემული, რადგან ეს დედა-გული პურის მოსავლისა გამოიფიტა და ათასგვარი დახლართული პირობების გამო სრულიად დაჰკარგა სახელიც კი პურიანობისა, არამც თუ სახრავი. ქართლის სოფლები მეტად ღარიბნი არიან შემოსავლით და გარე სამუშაოთი იკსებენ იმას, რაც შინ მუშაობით აკლიათ. მუშაობენ რკინის გზაზედ, მიდიან სამკლად, სათონხად, თუ სხვა რამ მიწის სამუშაოზედ სხვაგან. ყველაფერი ეს მოსპობილია დღესა და მოუსავლობისა და ომის გამო ქართლიც სულს ღაფავს სიღატაკეში, ერთად ერთი მაშველი წყარო ქართლისა—მეხილეობა—რომელმაც უკანასკნელ წლებში კარგად მოიკიდა ფეხი და პროგრესის გზასაც დაადგა,—წრეულ უცებ დიდ კრიზისში ჩავარდა. ომმა შესწყვიტა მიმოსვლა, დასცა ხილის ფასი და ათასობით ფუთი

საუკეთესო ხილისა ან ჩალის ფასად იყიდება, ან სულაცა ღებება. აქაც, რასაკვირველია დიდ სამსახურს გაუწყვედა ხალხს მოწესრიგებული კრედიტი ან ვაჭრობის ორგანიზაცია.

აი, როდესაც საკითხი სდგება იმისა, თუ რა დახმარება აღმოეჩინოს სოფლის მცხოვრებთ და ჯარში გაწვეულთა ოჯახებს—უმთავრესი ყურადღება უნდა მიექცეს არა საქველ-მოქმედოთ ფულის დარიგებას,—რითაც ხალხი მხოლოდ ირყენება და მეურნეობასაც არაფრით არგებს,—არამედ **შრომის ორგანიზაციას**. ეს ორგანიზაცია ბევრის მხრით გააუმჯობესებდა ეხლანდელს მდგომარეობას და მომავლისათვისაც მოამზადებდა უკეთეს ნიადაგს განვითარებისათვის. ყველა ის თანხები, რომელიც შეიძლება გადადებული იყოს თავად-აზნაურობისაგან, ერობის კავშირისა თუ მთავრობ., უნდა მოხმარდეს საზოგადო სამუშაოთა შექმნას. უნდა შეიქმნას კოოპერატივები ნაწარმოებთა გასასაღებლად, საცა ეს ნაწარმოები რჩება გაუყიდავი, მაგალითად ხილი ქართლისა, თამბაქო შავი ზღვის ნაპირებისა და ქიზიყისა, რომელიც იმისდა მიუხედავად რომ თამბაქო არამც თუ აკრძალული არ არის, არამედ დიდ



გერმანელებისაგან აფეთქებული წყლის კოშკი ქ. ლოდში.

გასავალშია, — მაინც საშინელ კრიზისს განიცდის. უნდა მოეწყოს ახალი და გაძლიერდეს უკვე არსებული საკრედიტო კოპერატივები, რომ დახმარება გაუწიონ ისეთ უმწეო მდგომარეობაში ჩავარდნილ დარგებს, როგორც არის მაგალითად მეღვინეობა.

მაგრამ მთავარი ყურადღება უხდა მიექცეს ისეთ საქმეებს, საცა უმწეოდ დარჩენილი მუშები და გლეხები იპოვიდნენ დღიურ სამუშაოს. ასეთი საქმე არის ის საქმე, რომელსაც ემსახურება ხოლმე ერობა. გზების გაყვანა, გაყვანა სარწყავ არხებისა, ხიდების გაკეთება და სხ. ესეთი საზოგადო საქმეები მით უფრო სასარგებლონი იქნებიან, რომ ერთსა და იმავე დროს დააკმაყოფილებენ უმუშევართ ნამდვილის დაფასებით მათი მარჯვენისა და არა სამოწყალოდ გადაცემული გროშებით და მეორეც, მოამზადებენ ჩვენს გავერანტებულ ქვეყანაში ნიადაგს უკეთესი მომავალისათვის. დღეს მთელი მეურნეობა შეფერხებულია უგზო-უკვლობით, უწყლობით და სხ. საქონლის პატრონს უგზობისა გამო ვერ გაუტანია ბაზარში თავისი ნაწარმოები და ვერ შემოუტანია ბაზრიდან საქირო ნივთი. უმწეო გლეხს ვერ უხეირებია თავისი მამული, რადგან სარწყავი წყალი არა აქვს და ათასგვარი გადასახადი კი აწევს კისერზედ, — ბატონისა, სახელმწიფოსი, სერობო და სხ და სხ.

მხოლოდ ასეთი რაციონალური საშუალებით შეიძლება ეშველოს რამე დაღუპვის გზაზედ დამდგარ ხალხსა და არა საქველმოქმედოთ გაცემული გროშებით.

ჩვენის აზრით, მთელი ეს საქმე უნდა იკისროს და გაუძღვეს მას — თავად-აზნაურობამ; რადგან საუბედუროდ აქამდის სხვა არავითარი ლეგალური ორგანიზაცია, რომელსაც შეეძლოს ამ ტვირთის ზიდვა, არ არსებობს. მართალია, დღეს ოშია და ყველას ყურადღება აქეთაა მიმართული, მაგრამ თავად-აზნაურობამ საკმარისი წვლილი გაიღო ომისათვისაც; გარდა ჯარში გაყვანილებისა, მან მოაწყო საავადმყოფო, გადასდო ფული, აწყობს სამხედრო რაზმებს, შევლის დაკრილთა და ავადმყოფთა ევაკუაციას და სხ. და სხ. — ყველა ეს უკვე გჩარხულია, მუშაობა სწარმოებს დს მამასადამე მიჩენილი ჰყავს ხალხი. ახლა დროა ვიფიქროთ მეორე მხარეზედაც, იმ მხარეზედ, რომელსაც გაცილებით მეტი უბედურება შეიძლება მოჰყვეს ვიდრე თვით ომსა — ვიფიქროთ შიმშილზედ. თუ ომმა კვდება ერთი, შიმშილი ემუქრება ათს და ომიდან დაბრუ-

ნებულისათვისაც აუცილებელია მეურნეობის ჯანსაღად დხვედრება რომ საბოლოოდ არ გატყდეს წელში და სასოწარკვეთილებას არმიეცეს.

დავეჩქაროთ, ვიდრე შესაძლებელია კიდევ.

რ. გ.

## გ ე დ რ ე ბ ა

არ შემისმინო, არა, ლაღადი; მტანჯე, ჩამიქრე მზე სხივთა მფენი, ილტოდე ჩემგან, დაუდნობელი რკინა შეიქმნეს ეგ გული შენი. აუწერელი სევდით შემოსე, ჯალათად იქეც, მიმეცი იქვეებს; იყავი ცივი და ეგ ღიმილი ბედნიერებას ნუ მომანიჭებს. იყავი ცივი როგორც საფლავი, საფლავი თვით მეც გამიქერ ჩემო! ღრუბლით დაჭფარე ჩემი ვარსკვლავი, ვგოდებდე, არვინ იყოს გარშემო. თვალთავან ცრემლი დამაღვრევენ, ამაქვითინე, ვით წყლის პირს ძეწნა, ეკლის გვირგვინი დამადგი თავსა, ბევრიც გეხვეწო, ნუ გასქრის ხეწნა. რაც ჩემთვის ეხლა ძვირფასი არის, ის ყველა შენგან დე გაცამტყერდეს, ვარამი მიძღვენ, გული მუფოჯარე, ათათასი ტანჯვით აძგერდეს. სამოთხის კარიც დამიხმე, ოღონდ უგრძნობელს, ცივსა, მომიდე აღი ლანდად მაქციე, რომ გამოვსცადო სიცოცხლეშივე სიკვდილის ძალი.

მთის ნიავი.

# გერმანია და გერმანელები

(დასასრული)

თუ ომია, თქმა არ უნდა. თვალში არავინ გვაკოცებს. ომში გახელბულ ადამიანს ზნეობის კანონებისათვის არა სცხელა. მოჰკლას, ხიშტით ქალა გაუჩხვოს თავის მეტოქეს, — აი საღ მიჰქრის მისი გონება! ამ მხრივ, თქმა არ უნდა, არც ჩვენი ჯარის-კაცები იქმნებიან უსოღველნი, ხელს ვერ დავაფარებთ თვით ჩვენს მოკავშირეებსაც. მაგრამ არც ის უნდა დაიფაროს, როქ მტერი ბევრჯელ საჭიროებით გამოუწვეველს სისასტიკეს იჩენს რაც შეეხება სამართლიან მსჯავრს, უნდა შევნიშნოთ, რომ გერმანია მშვიდობიან ცხოვრების დროს მართალია, მუდამ მზადებაში იყო, მაგრამ მთელ საუკუნის განმავლობაში, თუ ფრანგებთან ომს არ მივიღებთ მხედველობაში, მას ერთხელაც თოფი არ გაუგლია. უცხო ერთადმი სიმპატიან-ანტიპატიან ისეთივე იყო, როგორც სხვებისა. ანგარებაზეც ესევე ითქმის. სხვაფრივ თუ ვისმეს ჰქონია აზრი უცხო ერთა გამოსარჩლებისა, არც გერმანია დამდგარა უკან. როდესაც სერბები ყარაგორგიევიჩების მეთაურობით აუჯანყდნენ ოსმალებს, ევროპაში ერთადერთი გიოტე იყო, რომელიც დაფაცურდა, აღიგსო უსაზღვრო ჰუმანიური სიყვარულით ამ უცნობ და ნახევრად ველოურ ხალხისადმი, რომელთა არსებობა იმდენად უწყოდნენ ევროპაში, რამდენადაც აფრიკელ ქამიშთა ტომებზე გიოტე სწერს პოემას კეთილშობილ ტყვე ქალ აზან-ალაზე და მთელ ევროპის ყურადღების ისარს გადაჰბრის მისკენ. ასევე მოხდა საბერძნეთის თავს; როდესაც ეს უკანასკნელი აჯანყდა დამოუკიდებლობისათვის მთელი გერმანია ფეხზე დადგა, ელიონთა სიყვარულმა ფრთა გაშალა, რაც ასე მშვენიერად დასურათხატდა ვილჰელმ მიულერის მელიოდრეში „ბერძნეთა სიმღერები“. ასეთივე კეკლუცი სიმღერებით შეჰხვდა ჰანრი ჰანე მადიარების აჯანყებას 1848 წ. შევიცარეთთა ბრძოლას გეორგ პერვეგი უგალობს ჰიმნს... გერმანელებს არც თუ ფრანგებისათვის აუქცივით ზურგი, როდესაც იქ გახურებული რევოლიუციის ქარიშხალი არყევდა მთა-ბარს. კლაოშტოკი, გეორგ ფორესტი აღმაფრენით ეგებებიან მას. „სიკვილი დანტონისა“ დიდებულ ტრაგედიის სიუჟეტად გადაიღო სამწუხაროდ ნადრევიდ განსვენებულმა გეორგ ბიუნტერმა. თვით ნაპოლეონი, რომელმაც ბევრი შა-

ვი დღე განადღეინა გერმანიას, პოეტთა საყვარელ გმირადა ჰხდება, მაგ. ბრაგემ, ჰანრი-ჰანემ და მრავ. სხვ. ხოლო ამ უკანასკნელ დროს ცნობილმა ფუნ-გოლცმა დასტამბა წიგნი „გამბეტა და მისი ჯარი“, რაც ისეთ ძველად უნდა ჩაითვალოს, რომლის მზგავსი არა თუ უცხოელებს, არამედ თვით ფრანგებსაც კი არ დეუდგავთ თავიანთ სახელოვან დიდ ორატორ-პოლიტიკოსისათვის.

მაშ რად ყოფილა გერმანია დამნაშავე? მხოლოდ იმიტომ, რომ მას უფრო, ვიდრე სხვას, გამოუჩენია სიცოცხლის ძალა. გერმანია გაშლილი სასაპარეზო ველია, სადაც მომუშავე ქიანქველები დაფუსფუსობენ. გერმანიამ დაიმორჩილა თვით ბუნება. დაკლანკილ მდინარე რეინს მხოლოდ მან მისცა სწორე მიმართულება, რის გამოც იგი გარდწიქმნა ვაქრობის მთავარ ღერძად. დღეს რეინის ნაპირები აყვავილებულია დიდებულ სავაქრო და მრეწველ ქალაქებით, რომელთა არსებობა სოფლის სახელებითაც არ იცოდნენ ამ ოციოდე წლის წინად. ბელგიის ვაქრობა-მრეწველობა ფაქტიურად მათ ხელში დარჩა. რკ. გზამ საუცხოვოდ შეჰკრა გერმანია, როგორც ახალი კართავო გერმანია საშინელი სისწრაფით იზრდებოდა. ზღვა მისი მორჩილი შეიქმნა. ზღვის დედოფალი ინგლისი შურიტ შეჰყურებდა მის ზრდას, ვერც ის, ვერც მისი დობილი საფრანგეთი ვერა ჰნიშნავდნენ, თუ ეს საოცარი ერი რარიგი სისწრაფით ფეხს იკიდებდა იქ, სადაც მათ წარმოდგენაც არ შეეძლოთ. გერმანია თავის მეცადინეობით სამკვდრო-სასიცოცხლო ომი გამოუცხადა მთელს მსოფლიოს ეკონომიურ ნიადაგზე. მისი აფრა, ახალგაზრდა იმპერიის დროშად დაფრიალებს ყოველგან. ვერაფერმა ვერ შესძლო გერმანიის ვაქრობის ზრდის შეჩერება, ნელ-ნელ, მაგრამ ბეჯითი ნაბიჯით მსოფლიო ბაზრებიდან იგი ერეკებოდა ინგლისსა და საფრანგეთს. ეხლა, ამ ომის დროს, ყველანი ბოიკოტს უცხადებენ გერმანიას. რა თქმა უნდა, ვაქრობის ღმერთს არც რისხვა სწამს და არც სენტიმენტალობა. არავითარ პატრიოტულ მოწოდებას არ შეუძლიან მისი შეჩერება და თავისთავად იქ შეიჭრება, სადაც კი საჭიროებას დაინახავს. ასე იყო დღემდის. ასევე იქნება ხვალაც, როდესაც ზავი შეიკვრება. გერმანიის სული ვეშაპად გარდაიქმნა. იგი სიტყვებს არ ხარჯავს უბრალოდ იქ, სადაც მოქმედებაა საჭირო. ამ ოცდაათი წლის წინად, მაგ., გვინების ყურეს ნაპირებს ეწვივნენ გერმანელები. აქ წინად ათასში ერთხელ ინგლისისა და ფრანგების ხომალდებს თუ შეუვლიათ,

ოორემ სხვაფრივ იგი ყრუ უდაბნოს წარმოადგენდა. მცხოვრებნი, რა თქმა უნდა, მათთან ეწეოდნენ ვაქრობას. მაგრამ აი, გაჩნდნენ გერმანელები და სწრაფად მთელი ეს მხარე დაიკავეს. მთელი ფირპების ვაქრობა ეხლა მათ ხელში გადავიდა.\*) სწრაფი და იაფ-ფასიანი ნაოსნობა, საქონლისა და მგზავრების გადაყვანად გამოყვანა გერმანელებისკენ ეწეოდა იქაურ მცხოვრებლებს. ამათაც შეითვისეს მცხოვრებთა გემოვნება და მალე ინგლისისა და ფრანგების ვაქრები აიძულეს იქაურობა ან დაეცალათ, ან და მათგან შეეძინათ საქონელი. მართლაც, ყველა ეროვნებათა ფირმები დღეს მთელს იმ მხარეში მათგან არიან დამოკიდებულნი, უიმათოთ ვეღარ გასძლებენ, თუმცა მათდამი ერთი ზიზღის მეტს არას გრძნობდნენ... ასევე ითქმის აფრიკის მეორე მხარეზე. კატანადან მოყოლებული ნილოსის შესართავივ გასწვრივ მათ საუცხოვო რკინის გზები გაიყვანეს და ნელ-ნელ კონგოს დაუახლოვეს. ამან კი ის გარემოება შექმნა, რომ ბელგიელებმა კონგოსთან ვაქრობა ამ გზაზე გადმოიტანეს, რადგან ამ მხრით უფრო სწრაფად გადმოდიოდნენ ევროპაში, ვიდრე ძველი გზით. ეს კი თავისთავად ნიადაგს ამზადებდა, რომ ახლო მომავალში კონგოც სულ მთლად გერმანელთა ხელში გადმოსულიყო, როგორც ანტკერპენი სახელით ბელგიის პორტად ითვლებოდა, ნამდვილად კი გერმანელებს ეკავათ იგი...

მაგრამ კმარა; ამ მცირე მიმოხილვით ჩვენ გვსურდა ჩვენ მკითხველთათვის დაგვეჩვენებინა, რომ გერმანია და გერმანელები დღეს კაცობრიობას უმავალითო მავალითს თუ აჩვენებენ, აჩვენებენ მხოლოდ იმიტომ, რომ დაუღალავი მშრომელნი იყვნენ. არც ერთი დარგი მათ არ დარჩენიათ, რომ წინ არ წასულიყვნენ. მათ მიუკარებლობას და სიცივეს უკეთებენ, მაგრამ ვიწყლებათ ერთი რამ, რომ გერმანიას ვარპა ვარალისათვის არ ყცალა, რომ იგი მუდამ შრომაში იყო გაართული, ნაკლები ყვირილი და მეტი საქე, — აი გერმანიის ლოზუნგი! თქმა არ უნდა, საბოლოოდ გასტეხენ მას, გერმანიას დაიმორჩილებენ, შეიძლება ისიც, რომ საპატიო ზავის ნაცვლად გასრისონ კიდევ, მაგრამ თუ ევროპა და მებრძოლი სახელმწიფონი განაგრძობენ დარდიმანდულ ცხოვრებას და მარტო სიტყვიერ ზიზღით დაიწყებენ ზრდას, გერმანია კვლად აღზდგება მკედრეთით, დროებითი შემუსვრილი მისი ვაქრობა კვლავ აყვავილდება და რამდენიმე ათეულ წელში დაეინახავთ, რომ დღეს გასრესილი გერმანია კვლავ ჰეგემონიის ლაგამს ამოსდებს პირში თვის მეტოქეებს, რადგან გამარჯვება შრომაშია და ვისაც უნდა გაიმარჯვოს, უნდა იშრომოს.

დ. კ. ძე.



## „ქართველთა შორის ჰორნოგრაფიის მომსზობი სასოგადოება“

ოდესღაც ჩვენში ერთი საზოგადოება დაარსდა.

ეს საზოგადოება ქართულ სოფლებში სადგომებს ქირაობდა, სადაც სხვა უმნიშვნელო ნივთებთან ერთად, სხვათაშორის, ბოთლებსაც ინახავდა.

რისთვის ინახავდა ეს საზოგადოება სოფლის სადგომებში ბოთლებს, ჯერ გამოარკვეული არ არის, მაგრამ საფუძველი გვაქვს ვიფიქროთ, რომ ამას თავისი ღრმა მოსახრება ჰქონდა.

ჰქონდა საზოგადოებას კიდევ რამდენიმე მამული სოფლად.

და თუმცა მამულები შემოსავალს არ იძლეოდნენ, მაგრამ გასავალი დიდი ჰქონდათ, რადგანაც უწმინდეს მოვალეობად ითვლებოდა, გამგეობის ყოველ წევრს ენახულა ეს მამულები და „მოხსენება“ დაეწერა.

ჰქონდა საზოგადოებას, აგრედვე, რამდენიმე შკაფი, სადაც ქართველი ხალხი ძველ ბარათებს და ყარამანიანის ამბებს აგროვებდა — არ ვიცით რათა!

ყველა ამ საბუთის ძალით საზოგადოებას „წე-

\*) იხილეთ „რუსკ. ვეღ.“





გაყინულ წყალში გადასვლა რუსის ჯარისა მდ. რაბაზედ.

რა-კითხვის გამავრცელებელი საზოგადოება“ ერ-  
ქვა.

მაგრამ ამ საზოგადოებაში უბრალო ადამიანებთან ერთად, კეკელიანი ადამიანებიც იყვნენ, რომლებიც ფიქრობდნენ, რომ საზოგადოებას უფრო შესაფერი და გარკვეული სახელი შეჰფეროდა.

და მართლაც...

რათ უნდა რქმეოდა საზოგადოებას „წერაკითხვის საზოგადოება“, როცა ბოთლების შენახვა სხვასაც კარგად შეეძლო და როცა შემოუსავლიან მამულის პატრონი სხვაც ბევრი იყო საქართველოში, თუმცა ამისთვის განათლების მინისტრის სახელს არავინ ირქმევდა.

მაგრამ რა სახელი დაერქმით საზოგადოებისათვის დიდხანს არ იცოდნენ.

და მხოლოდ უბრალო შემთხვევამ გამოიყვანა საზოგადოების გამგეობა ამ ათტანელ მდგომარეობიდან.

მოხდა კი ასე:

იმ დროს, როცა მთელი გამგეობა შეკრებილი იყო, ერთი მათგანი კუთხეში იჯდა და ერთი ძველი წიგნიდან რაღაც ფურცლებსა ხედა.

გამოიჩქვა, რომ ძველ ხელნაწერში, ავტორის ხელით მინაწერ პორნოგრაფიასა ჰქონდა ადგილი.

მაღალ ზნეობის ადამიანთათვის პორნოგრაფია შეურაცხმყოფელია, ეს საზოგადო დებულებაა თანამედროვე მორალისა.

უფრო მეტად შეურაცხმყოფელი იყო ეს პორნოგრაფია თვით ხელნაწერის ავტორისათვის, რომელიც გამგეობის ერთი წევრის აზრით „მაღალი და ფაქიზი ზნეობის ადამიანი იყო.“

ცხადია რომ პორნოგრაფიას ავტორის თხზულებებში და ისიც საზოგადოების წიგნთსაცავში ადგილი არ ექნებოდა.

პორნოგრაფიის უცაბედმა შეხვედრამ საზოგადოების წიგნთ-საცავში, გამგეობის ზოგიერთ გონებასაზევილ წევრს მთელი იღვა აღუძრა თავში:

ექვი არ არის, რომ პორნოგრაფია სხვა წიგნებში და ხელნაწერებშიაც მრავლად იქნებოდა.

ხელნაწერები კი აურაცხველი იყო წიგნთსაცავში—მაშ აი მთელი ახალი ასპარეზი მოღვაწეობისა, ახალი მიზანი საზოგადოებისა!

აი, რა მოიფიქრეს საზოგადოების წევრებმა და გადასწყვიტეს:

რათა საზოგადოების სახელწოდება უკეთესად შეეფერებოდეს საზოგადოების დანიშნულებას, ამოიფხიკოს წესდებიდან: „ქართველთა შორის წერაკითხვის გამავრცელებელი საზოგადოება“ და და-

ერქვას მას: „ქართველთა შორის პორნოგრაფიის მომსპობი საზოგადოება“.

ამ საფუძვლის ძალით მოკლე ხანში ქართული ნაბეჭდ და დაუბეჭდავ თხზულებიდან განდევნილი იქმნება პორნოგრაფიული ელემენტი და თუ პორნოგრაფია მაინც გავრცელდა ქართველ ხალხში, საზოგადოება დაჰკეტავს თავის სკოლებს და სამკითხველოებს, რათა წერა-კითხვის შესწავლამ ქართველ ხალხს პორნოგრაფიული ნიჭი არ განუვითაროს.

ფარსმან-ფარუხი.

სოფლის გასაჭირი

ამ სისხლის წვიმების დროს, როდესაც ცხოვრება მეტად საშიხელი შეიქმნა ვეგელასთვის, სოფელი სულ მივიწყებული დარჩა. რა ხდება ქვეყნად, რა ამბავია მათ შვილების თავს, რომელინც ასობითა და ათასობით მოაშორეს სოფელს, ეს საიდუმლოებაა და სწორედ აქ იმარხება ტრაგედიის ის საშიხელი ძარღვი, რომელიც სოფელს უფრო აღონებს, ვიდრე რომელიმე ქალაქს. ვისკენ უნდა იქმნეს სოფლის უურადლება მიქცეული? რა თქმა უნდა, იმისკენ, ვინც რომ სოფლის ჩირაღდნად ითვლება: სახელდობრ მღვდლისა და მასწავლებლისკენ, რომელთაც ვგონებ, წერა-კითხვა მაინც უნდა იცოდნენ. შერე ასრულებენ ამ მისიას ეს სოფლის „განმანათლებლებნი“? ცოდვად ხუ ჩაკვეთვლება თუ კატეგორიულად განგაგნებდებ, რომ არა! სოფელი ღვთისგანაც მივიწყებულია, ერისგანაც და ბერისგანაც. მოიარეთ მთელი ქართლი საჩინუშოდ, თუ ოც მღვდელ-მასწავლებელში ნახავთ ისეთებს, რომლებიც სოფელს ჩანდგომოდნენ თავში. რა ბრძანება! უმეტეს ნაწილს გაზუთივ არ აქვს გამოწერილი და ვისაც აქვს, ამასაც თახჩაში გაუფენია, რომ ოთახები „ზრილიანად“ ჰქონდეთ მოწობილი. ამ გარემოებამ და საზოგადო იხდიფერენტიზმმა სოფელსადმი დაჰბადა უმოქმედობა. სოფლის ვითამდა განმანათლებლენა“ სასუქ კურატებად გარდაიქმნენ. სოფელს ვნების მეტს არას ჰქატიებენ. როგორც ზედმეტი მხალხნი და ცხოვრების მიხაჭაფენი თავიანთ კანში ვეღარ ეტივიან და თავ-ამკებულ მოზურებსაკით სოფელს იკლებენ, ჰლახვენ მათს სპეტაკს ზნე-ჩვეულებას. მე ვინობდი და ვინობ მრავალ „განმანათლებლებს“, თუ რა საზიზღარ და ბილწ მორიელებად დათარეშობენ. აი, გუშინ მივიდე ცნობა, თუ როგორ სოფელ ავლეგში ადგილობრივ მცხოვრებ დავით ჭიდლასქეს ხანჯლით სსსიკ-

ვდილოდ დაუჭრია მღვდელი შექანაროვა. ამ სოფელს ზირადად მე ძალიან კარკად ვინობ, ვინობ ამ გლეხსაც რომლის ჰატიოსნებაში ექვი არას დროს შემიტანია და არც შემაქვს. მაგრამ მე არა ნაკლებ ვინობდი ამ „სულის განმანათლებელ სოფლის მამას“. დიდისნია სოფელი ითმენდა მის ონკრობას. დიდი და ჰატარა შეძრწუნებული იყო მისი საქციელით, განსაკუთრებით როდესაც ან ნათლობაში იყო, ქელესში თუ ქარწილში. სკამარისი იყო ორი ჭიქა გადაეკრა, რომ სოფლის გოგონებს დაჰგროდა და აბლდარძუნებდა. ბევრჯერ აუტანია სხხრების სიმწვავე, ძლიან ბევრჯერ, თუმცა ოფიცი-ალურად ეს ხმა კარეთ არ გასულა. და აი, სხანს სოფლის მითმინებსაც ფიადის ზირი შეუსებია. ერთს გამოუდვია თავი და ერთს მზვავს „აფუნდრუკების“ დროს სსენებულ ზირს ხანჯალი ჩაუტია ესეთი თვითნებობა დასასჯელაი, მაგრამ.

მაგალითი სკამარის სურათს იძლევა, რომ სოფელი უზატრონია, სოფელი საშიხელებას განიცდის. ვითომდა „განმანათლებლებნი“ უმოქმედობისა გამო სასუქ კურატებად გარდაიქმნენ, ცხოვრებას ზედმეტ მონაქაფად. მათ ჭირისა და სსუელების მეტიარა შეაქვთ რა სოფელად. არა სხანს კონტროლი. არა სს ნს შესავერი ინიციატივა, რამ კანმა კანური ქუდი დაიხეროს, მღვდელმა თავის ჯვარი და სხხრება, რომ დაჩაგრული, განიაკუებული და ტანჯული სოფელი სსსოების გზაზე დააყენოს. სადა ძველ მოძღვართა სიფვარული? სადა წმინდა მუშაობისთვის გატატება? სადა აღამიანი, რომელსაც შეეძლოს გაწამებულ სოფელს ენერგია შეჰმატოს, სინცხოველურ არა, სოფელი განწირულია. სოფელი საშიხელების ასზარებად გადაშლილა. სოფლის ჩვენსკენ გამოწვდილი ხელი უსასობის კვარცხლბეკზე ეხეთქება.“ და ვინც შიგნიით ტრიალებს, ვინც ასე თუ ისე სოფელს მოვლინებია „მანუგეშებლად“, იმის დავიწყებია თავისი მისია, სოფლის ჭეშმარიტ კურატად გარდაქმნილა და იმის ნაცვლად, რომ გაზეთები კვირაში ერთხელ მაინც წაუკითხო და „ქვეყნის ამბავი“ გააკვიბინოს, ანუგეშოს სოფელი, მას შეაქვს მხოლოდ ერთი ჭირი და ვაება...

ქართლელი.

# მ რ ე ს ა

„თემის“ მორიგ ნომერში დაბეჭდილი იყო აქვე მოყვანილი ცნობა ქართველ საზოგადოებისაგან ღიდად პატივცემულ ეპისკოპოზ კირიონზედ და საქართველოს ეკლესიის ავტოკეფალიაზედ და გამოთქმული იყო ამის შესახებ გაკვირვება, სათაურში: „დაუჯერებელი ამბავი“:

## ეპ. კირიონი

მასკოვის გ.ზ. „ნოვის“ № 126-ში ვკითხულობთ:

„ეპისკოპოს კირიონს „რეპილიტაცია“ მიანიჭეს. მას იწვევენ დ მოუკიდებელ კათედრის დასაჭერად „დასვენების“ შემდეგ.

„ეპისკოპოსი კირიონი „გაწილებული“ იყო საქართველოს ეკლესიის ავტოკეფალიის მედგარი დაცვით. სხვა სატყუოთ, რეპილიტაცია არგუნი ქართველ ეკლესიის დამოუკიდებლობის იდეას.

„ჩვენ უნდა თანაუგრძნობთ ამას ისევე, როგორც ამას წინა დ ზრინციზიალურად გადაწვეტილ საკითხს კავკასიის ერობის შესახებ.

„დამოუკიდებლობა როგორც ქართველ ეკლესიისა, ისე საზოგადო ცხოვრებისა შიშს ჰტვრიდა ჩვენს ბიუროკრატის ერთი და იგივე მიზეზით: კავკასია, — განაიდე მხარე, კავკასია საეჭვოა, მას არ ენდობოდნენ. ეჭვი ჰქონდათ — სურვილი აქვს „ჩამოგშორდესო“. მის გამო ერთბაშე და ავტოკეფალიად მიანხდათ, როგორც „ჩამოშორების“ ზირეული ნაბიჯი.

„უნდაბლობს ბოლო მოულო თმმა. კავკასიამ დამიტკიცა, რომ ერთის მისწრაფებით სტოტსდობს დიდ რუსეთთან ერთად და ეველა ის, რაც დამოუკიდებლობის წინააღმდეგ ჰქონდათ, ჩაიფუშა, დარჩა მხოლოდ ის, რაც შეიძლება ითქვას მის სისარკებლოდ.

„ერთბაშე ევემ დაზირებუღია. „ჯერი მიდგა ეკლესიის დამოუკიდებლობაზე. ეპ. კირიონის მოწვევა ამტკიცებს, რომ ეს საკითხი მორიგი საკითხია“.

შემდეგ გაზეთი ამბობს, რომ „ქართველი ეკლესია ფრიად თავისებურია როგორც სამწესოს და სამღვდელთების მხრით, ისე ტრადიციების და შინაგან წესწებობილების მხრით, ამიტომ მოითხოვს სულ სხვა გამკებლობას.

„ედლევა დამოუკიდებლობა კავკასიის საზოგადოებას; უნდა მიეცეს თვითმმართველობა ქართველ ეკლესიასაც“ დანსკენს ალ. ალ. სუვოტინის გაზეთით.

დაუჯერებელი ამბავი ის იყო, რომ აქამდისაც საქართველოს ეკლესიის ავტოკეფალიის იდეა თითქმის რევოლიოციონურ იდეად ითვლება და ამისთვის ხალხიც ისჯებოდა, თორემ გასაკვირველი კი არა სავალალოა, რომ ის იდეა ეკლესიის თავისუფლებისა, რომელიც ასულდგმულებს ყოველ მორწმუნე ქართველს, მარტოდენ შეეძლება გააღვიოს ის ეროვნულ-სარწმუნოებრივი ძალა, რომელსაც მსხვერპლად ეწირებოდნენ საუკეთესო შვილნი ჩვენი, ისტორიისა რაც შეეხება კირიონის რეპილიტაციას, ჩვენ არ ვიცით, რამდენადაა იგი ნამდვილი, თუ სადმე რუსეთში გაამწესებენ.



ფრანგების ჯარი ბრძოლის ველზედ ერთობა.

**ბ-ნ გრ. დიასამიძის მორიგი „დანოსი“**

ჩვენ არ ვიცით ხელის ფათური ბ-ნ გრიგოლისავეთ სხვის გულში და ამიტომ არ ვიცით რა ბოროტი განზრახვლებით ხელმძღვანელობდა ბ-ნი „გრუზინი“, როდესაც სწერდა თავის წერილებს „სომხები“, მაგრამ თქმა იმისა, რომ

„შეუძლებელია, მართლაც, საზოგადოებრივმა აზრმა ნება დართოს ეოველ მოლაზღანდაც მწერადს თავის ზირად გულის მოსაფხანად წერილების წერის დროს შეათაროს თავი „გრუზინის“, ე. ი. „ქართულის საიაკვანო სახელს.“

ვისაც უეჭვან თავის ერი, ვინც მოწადინებულა თავის ერის დიად ჩაბრუნად იდეალის ჩქარა განხორციელების საქმეს ემსახუროს, ის არ დაუწყებს სხვა ერის, მით უფრო მეზობლის წმინდათა-წმინდის გაწილებას, ისიც შესაძებ ზირის გასაგონად!..

მარტო იმას შეუძლიან, ვინც მართლა მესამე პირთათვის და მესამე პირთა სახელით ლაპარაკობს და ისიც ქართველი ერის პირით: შეიძლება გრ. დიასამიძეს არ მოსწონდეს „გრუზინის“ წერილი, მაგრამ ეს მაინც უფლებას არ აძლევს „დანოსების“ წერას, რადგან ეს პრესისა კი არა, უკანა კარებიდან მოსიარულე ხალხის ხელობა არის.

გრ. დიასამიძე არა მარტო თვითონა სწერს „დანოსებს“, არამედ სხვათა დანოსებსაც აღმოაჩენს ხოლმე და მართლაც სომხურ გაზეთი „ხათაბალაში“ აღმოუჩენია უფრო მდებალი ხარისხის დაბეზლება პ. გოთუასი ერიციანისაგან. განსხვავება მხოლოდ იმაშია, რომ ერიციანი აბეზლებს ქართველს სომხებთან ე. ი. სხვა ერის შვილს აბეზლებს თავის ერის შვილებთან და გ. დიასამიძე აბეზლებს თავის ერის შვილს, სხვა ერის შვილებთან.

გაზ. „რქი“ ეხება სკანდინავიის სახელმწიფოთა შორის მოლაპარაკებას და ამტკიცებს, რომ ამ მატარა ნეიტრალურ სახელმწიფოთა ინტერესება მოითხოვს სამთა შეთანხმების გამარჯვებას. ამს უსათუოდ „ახალი ევროპის“ შექმნა მოჭეკება. გერმანიისათვის ახალი ევროპა — ეს მას ჰეგემონიის ქვეშ შეიფეა ევროპა არის, სამთა შეთანხმებას კი სულ სხვა განზრახვა აქვს — ამტკიცებს გაზეთი.

„სამთა შეთანხმებას სულ სხვანაირად აქვს წარმოდგენილი ეს „ახალი ევროპა“. მას განზრახვა აქვს აავთს იგი ბერძნულ პოლიტიკურ წინასწართ-

ბის სიფუძვალზე, რომელიც შეუძლებლად გახდის რომელიმე დიდი სახელმწიფოს ჰეგემონიას და ეველ ეწინააღმდეგება უკლებლივ მშვიდობიანი და სავლი განვითარების გარანტიას მთავრებს“.

დაბერალური გაზეთი არას ამბობს იმის შესახებ, თუ როგორ მოხდება ეს სასწაულ-მოქცეება. დიპლომატების დიბიური განცხადება მისთვის სრულიად სკამარისია, რომ ირწმუნონ იგი. („ახ. აზ.“)

**ქ რ ო ნ ი კ ა**

ამიერ კავკასიის კოპერატივების წარმომადგენელთა მეორე ყრ ლობა, რომელიც უნდა მომხდარიყო მომავალ წლის მარტში, მეფის მოადგილის კანცელარიის განკარგულებით ომიანობის გამო გადაიდო სხვა დროისათვის, რომელიც ცალკე იქმნება გამოცხადებული.

**სანოვაგე ჯარისათვის.** კავკასიის. სააბრეშუმო სადგურის შენობაში ჯარისათვის ახმობენ კომბოსტოს და კარტოფილს. უკვე მიღებულია 50,000 ფუთი კომბოსტო და 20,000 ფუთი კარტოფილი.

**თბილელობა ჯარისაკაცთათვის.** ქართულ სას. სამეურნეო საზოგადოების შუამავლობით კავკასიის შინამრეწველობის კომიტეტმა ჯარისაკაცთათვის შეუკვეთა წინდები და ხელთათმანები შემდეგ სოფლებში: ლილოში, ნორიოში და მარტყოფში. უკვე დამზადებულია ათასი წყვილი წინდა და ხელთათმანი.

**დახმარება ომში გაწვეულ ჯარისაკაცთა ოჯახებისა.** ქართულ ს.ს. საზოგადოების საბჭომ წარუდგინა მოხსენება თბილისის სათავად-აზნაურო დეპუტატთა საკრებულოს იმის შესახებ, თუ როგორ უნდა მოეწყოს დახმარება ომში გაწვეულ ჯარისაკაცთა ოჯახებისა იმ თანხით, რომელიც გადაღებული აქვს თავად აზნაურობას.

**მებალე-მებოსტნეთა ამხანაგობა.** ორთაქალის და კრწანისის მებალეებმა დააარსეს ამხანაგობა თავიანთ ნაწარმოების გასასაღებლად. ამხანაგობამ უკვე გახსნა საწყობი მეტეხის ციხის ქვეშ, სადაც იყიდება ყოველგვარი ბოსტნეული ამხანაგობის წევრთა

ბაღებიდან. საწყობის გახსნამდე მებაღეები თავიანთ ნაწარმოებს ჰყიდდნენ კერძო ბაყლების დუქნებში (საკომისიო დუქნები), სადაც ერთი-ორად იყვლიფებოდნენ მებაღეები. თუ, მაგალითად, მებაღის მიერ დაიაქმი მიტანილი საქონელი იყიდებოდა მანეთნახევრად, ბაყალი მებაღეს უჩენდა მხოლოდ 1 მანეთს და ამ ფულიდან უჭერდა დაიაქს (საკომისიოს). საამხანაგო საწყობის დაარსებით მებაღეებს საშუალება ეძლევათ თავი დაახწიონ ბაყლების ყვლეფას. საშუუხაროდ მებაღეები უნდობლად ეკიდებიან ამხანაგობას, რის გამოც ჯერჯერობით მხოლოდ 10—12 მებაღე იღებს მონაწილეობას ამხანაგობაში.

# ფ ა უ ს ტ ი

(გაგმქელება)

**ქალაქელი ქალი.** ერთი უყურე ამ კობტა ბიჭებს! ეს კი სწორედ რომ სასირცხვოდ მრჩება: მაგათ შეეძლოთ უკეთესი ამოერჩიათ და ვის დასდევენ, ვის დასდევენ რანაირ ქალებს!

**მეორე მოსწავლე** (შირჯულს). ასე ნუ ჰფიცობი ავერ, უკან ორნი მოგვდევენ კარგად ჩაცმულნი; ერთი ჩემი მეზობელია. მე იმ გოგონას, უნდა ვითხრა, ძლიერ მოვსწონვარ. ისინი მძიმედ მოაბიჯებენ მაგრამ დაბოლოს ჩვენ მაინც თან გაგვიყოლებენ.

**პირველი.** არა, მშობილო, მორცხვებისთვის არა მცალიან! ჰა, ჩქარა თორემ ის ფრინველნი გაფრინდებიან. რომელი ხელიც შაბათობით ცოცხს ატრიალებს, ყველაზე ტკბილად კვირაობით მოგიალერსებს.

**მოქალაქე.** არა, არ მომწონს ეხლანდელი ქალაქის თავი. და რაკი იქმნა არჩეული, სულ იბერება, ქალაქისთვის კი რას აკეთებს, არაფერი სჩანს. განა ყოველდღე უკან-უკან არ მიდის საქმე?

უგონებ მეტად, ვიდრე სხვა დროს, ფულსაც მეტს უთვლი, ვიდრე როდისმე დაგითვისია და რა გამოდნა? **მათხოვარი** (მღერით).

კეთილნო ყრმანო, ტურფა ასულნო, ლოყა-წითელნო, კობტად მორთულნო, მოიღეთ ჩემზე რამ მოწყალება, შემიმსუბუქეთ მით გაჭირვება. ნუ ჩამიტარებთ ამაოდ მღერას ის იშვებს, ვინც კი შესძლებს გაცემას. ის დღე, ყველა რომ დღესასწაულობს, დე, იქმნეს ჩემთვის დღედ სამკალისა!

**მეორე მოქალაქე.** სხვა უკეთესი კვირა-უჭმეს რა უნდა იყოს, თუ არ მსჯელობა ომებსა და ომის ამბებზე, როს იქ, შორს მხარეს, ოსმალეთში ხალხი ერთმანეთს ებრძვის და ჰმუსრავს. ფანჯარასთან ზიხარ, ლულდა ჰსვამ ჰხედავ, გემები მდინარეში იძირებიან და საღამოთი, როს ჰბრუნდები სახლში კარგ გულზე, ჰლოცავ სიმშვიდეს და დროებას მყუდროებისას.

**მესამე მოქალაქე.** მეც ასე ვფიქრობ, მეგობარო, სწორედ ასეა: დაე, ისინი ერთმანეთსა თავებს უმტვრევდნენ, დაე, მათ შორის ყველაფერი აწეწილ იყოს, ხოლო ჩვენს სახლში ძველებურად დარჩეს ყოველი.

**დედაბერი** (ქალაქელ ქალს). ეიშ, რა მორთულხარ, მშვენიერო ნორჩო გოგონავ! აბა, რომელი ყმაწვილი არ გაგიარშიყდეთ?— მხოლოდ ნაკლები სიამაყე! ჰო, ასე, კარგი! რაც კი თქვენა გსურთ, შემოძლიან მე მოგიხერხოთ.

**ქალაქელი ქალი.** ალათი, წამო! საფრთხილოა ამ ჯადოქართან ასე ახდილად სიარული! თუკ მართალია, წმინდა ანდრიას ღამეს მე მან ცოცხლად მიჩვენა

ჩემი მიჯნური მომავალი—

**მეორე.** მე კი მიჩვენა იგი ბროლში ვით ჯარის-  
კაცი,  
რომელს მრავალი მეგობარი მამაცი ჰყავდა.  
ვათვალეირებ მე მას ირგვლივ, ყოველგან ვე-  
ძებ,  
მაგრამ ამაოდ, მას არა ჰსურს ჩემთან შეხ-  
ვედრა.

**ჯარის-კაცები.** ციხე სიმაგრე გალავნიანი,  
ქალი ამაყი, ნახ-გრძნობიანი,  
აი, რა მსურდა დამეპყრო მარად  
საქმე თუმც მეტად გაბედულია,  
მაგრამ ჯილდოც ხომ დიდებულია!  
ხმა საყვირისა მოგვაპოვნინებს  
როგორც სიხარულს, ეგრევე დამხოვას;  
ამას ვუწოდებთ იერიშს, ბრძოლას,  
ამას ვუწოდებთ ყველა ცხოვრებას.  
ციხე და ქალი უნდა დაგვენბდეს,  
შრომა თუმც ჩვენი გაბედულია,  
მაგრამ ჯილდოც ხომ დიდებულია.

**ფაუსტ და ვაგნერ.**

**ფაუსტ.** გაზაფხულისა ცხოველმყოფ მზერას  
მთლად დაუდენია თოვლი, ყინული  
და თავისუფლად ქვემოჩანჩქარებს  
წყარო ანკარა და ნაკადული.  
უკვე მწვანდება  
მინდვრად იმედის ბედნიერება.  
ბერი ზამთარი დასუსტებული  
მკაცრს მთის მწვერვალებს მიეჩქარება.  
იგი იქიდგან წვრილ ხორხოშელას,  
ვით საფრთხობელა ღონე-მიხდილი,  
ჯეჯილს მოაფენს, მაგრამ მზის სხივებს  
სძულთ დასანახათ თეთრი მანდილი.  
ყველგან ლტოლვაა, აღმოცენება,  
მზეს ჰსურს სიციცხლით ველთ ამწვანება.  
რაკი წყლის პირად ამ არე-მარეს  
ჯერედ ყვაილნი არ გადაშლილან,  
მათ ნაცვლად ირგვლივ აღამიანნი  
კოხტად მორთულნი, ჰხედავ, გაშლილან.

გაჰხედე ქალაქს ამ სიმაღლიდგან,  
ხალხი მოილტვის, მოეჩქარება;  
დღესასწაულობს ღეთისა აღდგომას!  
რადგან თვით სდგება, ამ დროს ცოცხლდება.  
ყველა მათგანი დიდი-პატარა  
მზის ცხოველ სხივზე სიამით თბება.  
სულის შემხუთველს ბნელს სახლებიდგან,  
სახელოსნოდგან, ვიწრო საარკმლიდგან,  
ახორხილ ქუჩის შენობებიდგან,  
წმინდა საყდრების ბნელ საკნებიდგან  
ვეელანი მზის სხივს მოუზინდია.  
და შვებით გარედ გამოფენილან.  
გაჰხედე ერთი, ხალხი რა ცოცხლად  
ბაღსა, მინდორს, ბორცვს მოსდებია.  
იმ მდინარესა სიგრძე-სიგანით  
რამდენი ნავი მოსცურებია.  
ის ერთი თითქმის ჩაძირვას ლამობს,  
იმდენი სულნი ზედ დასდებიან.  
თვით მთის შორეულს ბილიკებიდგან  
ფერად სამოსში ყრმები სჩნდებიან.  
მესმის, სოფელი თვისის მცხოვრებით  
ჟივილ-ხივილით უკვე ხმაურობს;  
ხალხის ნამდვილი აქ სამოთხეა და წმინდა  
ზეცა.

დიდი-პატარა აწ კმაყოფილი  
ჰხარობს, ნავარდობს, დღესასწაულობს  
აქ თვით კაცი ვარ, აღამიანი—  
ნება მაქვს ვიყო ესრეთად მეცა!

**ვაგნერ.** თქვენთან ბატონო დოქტორო, დიდად სა-  
ამო არის,  
პატივისადები და სასარგებლო ეს სეირნობა,  
მაგრამ მე მარტო ჩემს თავს მათ შორის სულ  
არ ვაგრევედი,  
რადგან ყოველგვარ სიტლანქისადმი დიდი  
მაქვს მტრობა.  
ეს ჭრიამული, საკრავთ წუწუნნი, ეს თამბ-  
შობა  
მძულს მეზიზღება!  
ღრიანცელობენ, თითქოს ბოროტ სულს ფეხი  
დაედგას

და უწოდებენ ამას სიხარულს  
და უწოდებენ ამას სიმღერას!

**გლებები** (ტახტახეხას ქვეშ).

ტეკეა და სიმღერა.

მწყემსი ცეკვისთვის ემზადებოდა  
ქრელი სამოსით და ყვავილებით  
იყო მორთული და მოკაზმული;  
ცაცხვის ქვეშ უკვე წრე შემოველოთ,  
იყო თამაში გაჩაღებული  
თვით სიგიჟემდის გატაცებული.

როს წრეში გახტა გამაღებული,  
ქალს დაეჯახა იდაყვით უტბად;  
კოპწია გოგო მოუტრიალდა  
და ჯთხრა მწყემსსა განა თუ მტრულად  
„ეს მოგივიდა, ბიჭო, სებრულად!“

მაინც კვლავ სქვიტად ბოლომდის მიჰყავთ,  
ცეკვენ მარცხნითა, ცეკვენ მარჯვნითა.  
ფრიალებს კაბა, გაწითლდნენ, დასცხათ  
და თან უჭერენ ხელსა ხელითა.  
თან ეხლებიან თემოს მკლავითა.

„ვერ დამარწმუნებ, იყო ერთგული,  
ვით ზოგიერთის დანიშნულს სჯერა  
და დარჩომილა მოტყუებული,  
მაჯნურისაგან მიტოვებული!“  
მაგრამ იტყუებს ის ქალსა ცალკე,  
და ცაცხვებ ქვეშ კი ისმის სიმღერა,  
საკრავთ გუგუნნი და საკრავთ ჟღერა!

**მოხუცი გლები.** თქვენგან, ბატონო დოქტორო,  
ეს საამოდ გვრჩება,  
რომ ხალხის წრეში გარევა არ იუკადრისეთ  
და უდიდესად განსწავლულმა თვალით დაგვხედეთ.

მაშ მიიძღვენით ეს ჯამთასი ლუდით აღვსილი.  
გაწვდით და თანაც გისურვებთ, რომ ამან  
არა თუ

მარტო წყურვილი მოგიკლათ თქვენ, არამედ  
მისი

ყოველი წვეთი სიცოცხლის დღეთ გარდგეჟ-  
ციოთ.

**ფაუსტ.** ვიღებ რა ხელში საამო სასმელს,  
მადლობას გწირავთ და გადღეგძელებთ,  
(ხალხი მის გარშემო თავს იურის).

**მოხუცი გრები.** სიმართლემცა რომ კარგი ჰქენით  
აქ მოსვლით,  
რომ ამ გხიარულს დღესასწაულს ყველას გვე-  
ჩვენეთ.  
თუმცა უწინაც გაქირვების დროს ჩვენი თავი  
არ დაგვიწყნიათ. აქ თქვენს ირგვლივ მრავალ-  
ნი სდგენან  
რომელს სიცოცხლე მამათქვენმა ჰირს გამოს-  
ტაცა,  
და მანვე იმ ჰირს გადამდებსა ბოლო მოუღო.  
თქვენ იმ დროს, ჯერედ ახალგაზრდა, ავადმ-  
ყოფებთან  
იარებოდით. ბევრი გვამი დაგვიმარხია,  
მაგრამ თქვენ დარჩით მთლად უვნებლად,  
თუმც გარდიტანეო  
მრავალი ვანცდა დამხმარებელს დამხმარებე-  
ლი  
გფარვიდა რჩეულს და უვნებლად ის გამყო-  
ფებდა.

**ყველანი.** დღეგრძელი იყოს დიდებული ადამიანი,  
რომ კვლავ შეიძლოს დახმარება ჩვენის ხალ-  
ხისა!

**ფაუსტ.** მას დიადს თავი მოუდრიკეთ, რომელიც  
მალლით  
ჩვენ დახმარებას გვასწავლის და შევლას გვა-  
მადლებს.

(ვანგერთან ერთად განსეკ გადის).

**ვანგერ.** რას უნდა ჰგრძნობდე, დიდებულიო ადა-  
მიანო,

ხალხი რომ ასე გეპყრობათ თქვენ პატივისცე-  
მით!

ბედნიერია, ვინც კი ასე თავის ნიჭიდან  
ნაყოფს მოიძიოს, ჰნახავს ამგვარ სარგებლო-  
ბასა.

თქვენზე უთითებს მამა თვის შვილს, ერთი-  
ერთმანეთს

ჰკითხავენ თქვენზე, ისწრაფიან თქვენს სანახა-  
ვად.


საკრავებს უცებ აჩუმებენ, აღარ ცეკვავენ:

ჩაუღლით გვერდით და ყველანი რიგში დგე-  
ბიან

ქედებს ისერიან და ცოტალა აკლია მხოლოდ  
რომ მოგიყარონ მუხლი მდაბლად, ვითარცა  
წმინდანს.

ა. შ.

(შემდეგი იქნება).



რედაქტორ-გამომცემელი

რ. გაბაშვილი.

# პიიღეზა ხელის მოწმერა

1915 წ.

ყოველკვირეულ სასოციალ-ეკონომიურ და სალიტერატურო

წელიწადი მეოთხე.

## ყურნალ „კლდე“-ზედ.

წელიწადი მეოთხე.

წლიური ფასი ხუთი მან., ექვსი თვით სამი მან.

ცალკე ნომერი ორი შაური.